

## EXERCITATIO L.

*Iacobi Revii contra Corporis definitionem argutationes refelluntur.*

1. **J**acobus Revius Stateræ pag. 73. & seq. sic scribit: *Pergo ad materiae Cartesianæ essentiam, de qua ita loquitur Princ. p. 69.* Planè profiteor, me nullam aliam rerum corporearum materiam agnoscere, quām illam omnimodo divisibilem, figurabilem & mobilem, quam Geometræ **Q**UANTITATEM vocant, & pro objecto suarum demonstrationum assumunt; ac nihil planè in ipsa considerare, præter istas divisiones, figuræ & motus.

2. *Dioptr. pag. 205.* secundùm meam (*opinionem*) tota illorum (*corporum*) essentia & natura, saltem inanimatorum, tantum in magnitudine, figura, situ & motibus partium consistit. Hæc postquam ex Cartesio attulisset Revius, suam censuram sequentibus verbis addit:

3. *Qui Geometræ materiam pro objecto suarum demonstrationum assumant, vellem Cartesius nobis indicaret, nam hactenus eos à materia abstrahere creditum fuit.*

4. *Quòd si materia & omnium corporum essentia*